

大樹緊那羅王所問經


籍

才

二

百卅八  
被二

43156



元祿九年丙子二月日重脩

皇國聖廟 帝潛殿

佛日增輝 佛輪常轉

山城州天安寺法金剛院置



大樹緊那羅王所問經卷第二

姚秦三藏法師鳩摩羅什譯



被

尔時天冠菩薩白佛言世尊未曾有也而是  
大樹緊那羅王成就如是不思議法世尊是  
緊那羅王乃能成就如是勝妙神通之力復  
能演說甚深法忍世尊緊那羅王於幾佛所  
種諸善根有如是辯佛言善男子假使能數  
恒河沙等世界星宿不能數是緊那羅王所  
事如來應正徧覺善男子是人已於尔許佛  
所修行梵行集於無上正真之道是故得有  
如是辯才尔時天冠問緊那羅王汝於尔許  
無量佛所種殖無量無邊善根何故不成無

上正道。尔時大樹緊那羅王語天冠菩薩。善男子。菩薩摩訶薩有十二無滿足法。何等十二。謂供養給事諸佛。世尊無有滿足。集諸善根。無有滿足。聽集法寶。無有滿足。修禪解脫。無有滿足。修觀寂法。無有滿足。流通顯法。無有滿足。教化衆生。無有滿足。守護正法。無有滿足。不捨阿練兒處。無有滿足。諸波羅蜜莊嚴。佛土無有滿足。修習福慧。無有滿足。集助菩提法。無有滿足。善男子。是名菩薩十二無滿足法。是故菩薩求善根莊嚴。無有滿足。尔時大樹緊那羅王白言。世尊。我聞菩薩所有三昧。名曰寶住。若有菩薩得是三昧。一切

法寶諸功德法自然而得善哉世尊唯願如  
來演說於是寶住三昧菩薩聞已於一切法  
而得自在隨增長法爾時佛告大樹緊那羅  
王如是緊那羅王有於三昧名曰寶住汝今  
善聽善思念之吾今當說如是菩薩寶住三  
昧善哉世尊願樂欲聞受教而聽佛告大樹  
緊那羅王若有菩薩欲令佛寶種性不斷法  
寶種性僧寶種性不斷絕者修習起生八十種  
寶何等八十不忘一切智寶之心不捨離於  
志意寶心不捨修諸善根寶心不捨堅入寂  
定寶心生起一切布施寶心不捨望報清淨  
寶心迴向菩提故莊嚴身寶心滿三善故莊

嚴口寶心離四過故莊嚴意寶心捨離無明  
愛恚見故持戒不毀不穿不壞不缺寶心不  
穿不壞不缺不汙戒莊嚴故無惱害寶心於  
諸衆生意平等故柔忍寶心能忍難事故不  
憂身命清淨寶心淨菩提故無愛恚寶心無  
高下故堅固牢固強莊嚴寶心無憂慮故一切  
所作成就寶心無慢緩故堅固念慧進入寶  
心能善修習助菩提法故起禪解脫三昧寶心  
得心自在故集法寶心集自財故聞正法已  
能持寶心得無畏故不憝法寶心心無憝故  
不期利養說法寶心捨離惡欲不望報故正  
念寶心正流趣故如所聞法成滿寶心如聞

行故智觀寶心無降伏智故大慈寶心化衆  
生故大悲寶心觀衆生故大喜寶心愛樂法  
故大捨寶心諸法寂故不猷生死寶心集諸  
善根故化衆生寶心不住自樂故四攝寶心  
爲攝法故起神通寶心一切神通現變化故  
善知識寶心爲聞法故離惡知識寶心集善  
根故爲一切衆生正修寶心如涅槃故離諸  
一切結病寶心入一切衆生所志欲故於一  
切法生樂想寶心寂諸病故善修學習無慢  
寶心知大人法故滅憍慢寶心於諸衆生謙  
卑下故無幻僞寶心無諂誑故和敬寶心令  
法久住故護法寶心報去來現在諸佛恩故

知恩報恩寶心親友究竟故不望報寶心無  
所觀故常出家寶心不忘所作故愛樂寶心  
護白淨故聖種少欲知足寶心集持戒故莊  
嚴一切頭陀功德寶心於諸衆生無有過故  
少欲知足寶心慧無足故獨處寶心身意寂  
靜故求法無厭寶心滿相好故莊嚴集智無  
厭寶心斷諸一切衆生疑故念佛寶心不離  
見佛故念法寶心不離聞法故念僧寶心不  
退菩薩僧故念戒寶心不捨菩提心故念捨  
寶心捨諸結使故念天寶心繫在一生補處  
菩薩地中故義辯寶心覺一切義故法辯寶  
心不壞法界法故辯辯寶心覺了一切諸音



聲故樂說辯寶心悅可一切諸衆生故得陀  
羅尼寶心隨所聞法不忘求故依義寶心知  
文字實性故依智寶心知識如幻故依了義  
經寶心於了義中無違諍故依法寶心覺了  
人實性故觀一切行無常寶心不住一切三  
界中故觀一切法無我寶心我及衆生俱無  
我故觀於涅槃寂靜寶心究竟寂靜故觀空  
無相無願解脫門寶心入甘露門故觀一切  
法無生寶心得無生法忍故見一切法如幻  
如夢如炎如影如響如水月寶心不住諸見  
故慎因緣法寶心離斷常見故離諸邊見垢  
穢寶心離於二故入無二法門寶心覺一道

故離一切行寶心至正位故正觀法位寶心  
一切法平等故集助一切菩提法寶心覺了  
一切諸佛法故如是緊那羅王若有修習如  
是等法善修好修正住獲得如說修行是名  
菩薩寶住三昧若能如是則便得是寶住三  
昧若有菩薩已逮得是寶住三昧無世間寶  
出世間寶而是菩薩不得自在緊那羅王云  
何世間寶出世間寶緊那羅王世間寶者謂  
人天豪尊若帝釋豪尊梵王豪尊護世豪尊  
轉輪王豪尊居士豪尊波羅門豪尊長者豪  
尊刹利豪尊雖得如是人天豪尊而不放逸  
以不放逸能集一切助菩提法是名世間寶

何等名爲出世間寶所謂聖慧是出世間何  
以故智慧悉攝出世間法是故說入般若慧  
門名出世間緊那羅王譬如大海爲衆流主  
如須彌山爲衆山王猶如衆星月爲其主如  
諸藥草火珠光明日爲其最一切獮狩師子  
爲最一切民庶王爲其最三十三天帝釋爲  
最諸梵天中梵王爲最如是緊那羅王所有  
一切出世間法智慧爲首是故說言般若爲諸  
衆經中王能度諸流是安至道故是名爲炬  
照結闇故是名勇健降衆怨故是名醫王和  
衆藥故是名爲師知經書故是名爲箭射結  
的故是名爲力究竟害結故是名大象拔結

根故是名無違諍悉平等故是無鬪諍無訟  
訴故是名不逆善隨順故是名無瞋究竟盡  
故是名善知四聖諦故是名爲念正念處故  
是名爲正能正斷故是名示現神足力故是  
名爲戒障諸根故是名降伏有大力故是名  
爲覺善覺知故是名開示示正道故是名爲  
寂寂靜定故是名爲明作慧明故是名作明  
離障翳故是至正處作照明故是名除斷除  
結塵故是無波浪度諸流故是不可見過境  
界故是無境界離內外故是名爲空離見岸  
故是名無相離覺觀故是名無願出三界相  
故是名一相無有相故是虛空相無相似故

是害愛慢離魔業故施無妄想不依於戒不  
住忍辱不起精進不染著禪無言說門無一  
切門方便自造無我無衆生度到彼岸集諸  
善根無作無作者過諸作道緊那羅王是則  
名爲出世間寶謂般若寶是智慧寶即是寶  
住三昧之體若菩薩得寶住三昧一切衆寶  
皆悉來集緊那羅王喻如大海爲衆流主集  
一切寶一切衆寶皆悉來歸於是海中出生  
諸寶如是緊那羅王菩薩得是寶住三昧爲  
諸一切衆生之主集一切寶一切法寶皆悉  
歸趣緊那羅王寶住三昧能集一切諸法之  
寶是中不斷於三寶種是寶住三昧名爲集

聚諸法之寶。尔時天冠菩薩白佛世尊。是大樹緊那羅王。已逮得是寶。住三昧耶。佛言。善男子。汝今自問。大樹緊那羅王。當為汝說。時天冠菩薩即問。大樹緊那羅王。緊那羅王。汝今已逮得是菩薩寶。住三昧耶。答言。善男子。是三昧中無住。無得。是三昧中無有得者。而是三昧非色。受想行識。而是三昧非色。可見無聲。可聞。非是住。相非是滅。相無有處。相非無相。非一相。所言相者。都無有相。無能為作三昧相者。自無有相。亦非無相。無相是三昧相應。如是修善男子。是三昧者。等一切法。若等諸法。亦等於我。若等於我。亦同等於一切。

衆生是故善男子是三昧等一切衆生何以  
故一切衆生即是空相空相是三昧相一切  
衆生即是無相相無相相是三昧相一切衆  
生即是無願相無願相是三昧相一切衆生  
及一切法是寂靜相寂靜相是三昧相一切  
衆生是無我相無我相是三昧相是三昧者

無能以身觸無能以心觸凡可觸法若等不  
等一切皆爲善調伏故而演說之時天冠菩  
薩即白佛言希有世尊是大樹緊那羅王處  
在如是放逸之中乃能演說甚深妙法佛言  
善男子善菩薩從慧方便地中出生示現一切  
所作不爲一切所作汙染善男子是大樹緊

那羅王以此琴樂諸簫笛音及妙歌音調伏  
七十億緊那羅衆令住菩提三十億卍闍婆  
於無上道而得調伏其內眷屬八万四千住  
一切智彼有如是大方便智善男子我唱是  
言是諸菩薩隨所居住在於本處隨是諸處  
多利衆生善男子猶如無薪火則不然如是  
善男子菩薩處寂亦復如是不能熾然教導  
衆生善男子如大薪聚火則熾然菩薩亦尔  
處在多衆教導熾然善男子是故當知菩薩  
住在最豪尊處隨所住處多利衆生天冠菩薩  
復白佛言是大樹緊那羅王云何以琴及妙  
歌聲諸伎樂音教化衆生佛告天冠菩薩善



男子緊那羅等  
軋闍婆等  
摩睺羅伽等  
好樂  
音樂  
是大樹緊那羅  
王善自調琴  
和眾妓樂  
是緊那羅眾  
軋闍婆眾  
摩睺羅伽眾  
起大愛樂  
信解增敬  
得是愛樂  
信解增敬  
已於是音中  
出於佛聲  
法聲  
僧聲  
不忘  
菩提心聲  
施聲  
戒聲  
忍聲  
進聲  
禪聲  
慧聲  
慈聲  
悲聲  
喜聲  
捨聲  
念處聲  
正斷聲  
神足聲  
根聲  
力聲  
覺聲  
道聲  
定聲  
慧聲  
禪定  
解脫  
三昧之聲  
無常聲  
苦聲  
無我聲  
寂聲  
空聲  
無相聲  
無願聲  
無生聲  
無起聲  
無行聲  
菩薩法  
藏所攝  
法聲  
陀羅尼  
金剛句  
三昧  
滿聲  
不退  
轉法輪聲  
一切決定法  
王聲  
大海莊嚴  
三昧聲  
一切法  
流入平等三

昧聲等一切法自在三昧聲莊嚴智慧三昧  
寶住三昧聲寶有三昧聲寶降伏三昧聲寶  
炬三昧聲娛樂三昧聲蓮<sup>華</sup>莊嚴三昧聲過蓮  
華三昧聲遍一切處三昧聲一切法白蓮華  
三昧聲增益三昧聲大奮迅三昧聲師子奮  
迅三昧聲日燈三昧聲無量旋三昧聲前進  
三昧聲金剛場三昧聲金剛幢三昧聲金剛  
不壞三昧聲地持三昧聲山燈三昧聲山幢  
三昧聲寶藏三昧聲寶華三昧聲寶心自在  
三昧聲觀一切衆生心三昧聲出增長一切  
行三昧聲修深堅三昧聲雜辯三昧聲無觀  
三昧聲觀一切衆生三昧聲遊戲三昧聲出

一切神通境界三昧聲降魔界三昧聲現一切色三昧聲入一切三昧聲分一切身三昧聲住一切行三昧聲慧燈三昧聲手燈三昧聲觀喜提三昧聲過樂辯三昧聲作入一切功德三昧聲善男子是琴歌音諸妓樂中出於如是三昧法聲令諸衆生受化而去菩薩摩訶薩成就如是希有之法說是大樹緊那羅王諸功德行神力之時以佛力故有夾婁陀羅華聚令諸大衆各散大樹緊那羅王大樹緊那羅王以神通力右手接持無一華墮地而不在乎尔特大樹緊那羅王即以供養散於如來上當散華時佛神力故令是衆華

成一寶蓋覆千世界是寶蓋中垂懸無量千  
萬億數寶真珠貫一一珠貫出於無量萬億  
光一一光明出寶蓮華雜色妙好妙香適意  
諸華臺中一切皆現釋迦牟尼如來色像結  
加趺坐如是諸佛皆讚大樹緊那羅王善哉  
善哉緊那羅王乃能教化無量衆生菩薩應  
當如是施作既出世間還來世間教化衆生  
生死已盡還來受有得涅槃位還遊三界於  
是中生教化衆生今時大樹緊那羅王作如  
是念我今當作一一寶蓋覆一一佛上今時  
是王即入三昧名莊嚴寶蓋當其入是三昧  
之時有妙寶蓋一一各覆情如來上一切大

衆右手亦各執持寶蓋以為已用供養於佛  
是時大樹緊那羅王復作是念我今當請釋  
迦如來及情菩薩并聲聞僧一切大衆至香  
山中我宮殿食令無量無邊天龍夜叉乾闥  
婆阿脩羅迦樓羅緊那羅摩睺羅伽等集令  
聽法我身當供養如來給使令彼衆生長夜  
利益安隱快樂今時大樹緊那羅王作是念  
已頂禮佛足合掌白佛言惟願世尊及菩薩  
衆并聲聞僧哀愍我等至香山王受讀七夜  
令無量衆生增長善根世世尊我今堪任能  
走使哀愍大樹緊那羅王及菩薩衆情聲聞  
僧當至香山七日之中憐愍我故今時緊那

羅王知佛可已歡喜踊躍遍滿其身與其妻  
人男女眷屬作衆妓樂供養於佛禮世尊足  
右遶三匝出衆而去還至香山是特大樹緊  
那羅王於香山中莊嚴自己所住園林為供  
如來莊嚴妙地縱廣五百由旬青琉璃地窗  
浮檀金以為間錯衆寶雜色互相映發是時  
場上敷百千妙座以寶蓮華而間錯之敷置  
百千萬億天衣復於場上為佛如來敷師子  
座高三十二由旬衆寶嚴飾衆寶欄楯而圍  
遶之張施幢蓋豎衆幢幡無量香垞燒炷黑  
沉水上張繒絳以承塵露周遍垂懸幡蓋繒  
綵散衆天華於座四面作大寶樹雜色妙好

外多眾來及自眷屬皆悉已集使為說偈而  
教受之

佛出於世時乃值 猶如優曇鉢羅華

人尊今已出現世 善好恭敬供養之

捨慢懈怠及莊僞 亦離慳貪及幻惑

皆當捨離諸戲笑 善好恭敬於導師

所有眾妙適意華 天中勝華香山華

皆當聚集置一處 當以供養於人仙

所有眾妙適意華 堅黑沉水及栴檀

當於此間香山中 燒用供養勝眾生

所有妓樂妙歌音 堅那羅等所愛樂

各各善調情音樂 當以供養丈夫仙

幢幡寶蓋及妙衣  
柔軟善淨適天意

張設以待供如來  
難值難得無有比

供養佛已至善處  
或為帝釋四天王

或作梵王自在王  
常作人天中尊王

形色威德及名稱  
眷屬侍從及珍寶

所有言教悉受用  
供養佛已得是利

諸天歡樂及人樂  
欲於生死常歡樂

欲得常樂及樂具  
當供養是勝衆生

欲得緣覺聲聞乘  
及得最上勝妙乘

又欲降伏於魔怨  
當作供養供法王

尔時大樹緊那羅王如是教令諸養屬已即

時集聚諸華香鬘塗香末香瓣百味食已住



香山王前作衆音樂歌諸偈頌曰言時到

佛能利益於安樂和顏喜笑柔要悟

妙華善聽人天供時到善逝今可來

十力降伏情魔力降伏他衆利益世

斷除情垢無垢濁時到利益世尊來

樂頭陀行無染著勝集念慧堅固者

勝人常出過世間歡喜心來作利益

隱蔽日月珠光明釋梵王有諸光明

牟尼光明皆喜樂光明自在蔽諸光

天龍緊那羅歌聲是聲增結不滅欲

佛音柔軟梵音聲能滅情結與安樂

世醫遊行於十方不能治世煩惱病

十力醫王演妙音

滅堵結使與安樂

大名大威力無等

無比無錯無濁悟

伏怨寂怨離堵怨

世尊利益願時來

施捫施主慧耳露

持戒行戒尊最勝

善巧捫忍熏修心

念我故來可愛者

善具進力相應法

住於禪定具神通

慧捫伏意漸得儀

持百福相願時來

大慈悲心意平等

離愛欲過無使患

善知梵道住佛道

世尊施樂願時來

今時世尊知大樹緊那羅王白言時到告堵

比丘各持衣鉢受七夜情畧守房人大樹緊

那羅王白言時到是時天冠菩薩作是慈言

我今當化作大寶臺今佛世尊及諸菩薩衆  
大聲聞僧安處寶臺坐於蓮華莊嚴座上置  
之右掌乘空而往至香山中天冠菩薩作是  
念已即入三昧以三昧力作大寶臺縱廣高  
下各十由旬雜色妙好四方四柱莊嚴差別  
時寶臺中出於百仞寶蓮華座復為世尊敷  
寶蓮華師子之座上高七仞爾時天冠菩薩  
化作寶臺及華座已白言世尊願就寶臺坐  
師子座及楮菩薩聲聞大眾憐愍我故世尊  
我今當以如是寶臺置於右掌著香山中今  
時世尊愍大冠菩薩即昇寶臺就師子座諸  
菩薩衆及聲聞僧次第而坐時天冠菩薩即

擊寶臺置右掌中。上昇虛空往趣香山。爾時  
欲界诸天。色界诸天。見天冠菩薩。作是神變。  
歡喜踊躍。生希有心。為供養佛及天冠菩薩。  
故持華鬘塗香。末香。作衆妓樂。末指寶臺  
在虛空中。供養於佛。乃至香山。爾時大樹緊  
那羅王。遙見如來。坐寶臺中。從空而來。見已  
與已眷屬八萬四千。楮緊那羅等。持香華鬘  
末香塗香。作於八萬四千妓樂。以清妙歌善  
和衆樂。往迎如來到已。及楮眷屬頂禮佛足。  
以所寶持諸華鬘塗香末香。供養佛已。引  
前而去。爾時世尊。知已至。彼與諸菩薩大聲  
闍僧釋梵護世。及楮大衆。指大樹緊那羅王。

所莊嚴道場坐所敷座。爾時大樹緊那羅王  
語釋梵護世及諸天子諸大德等可前就坐  
所爲如來施設飲食當共同嘗。爾時緊那羅  
王與諸妻子男女眷屬手自斟酌敬意奉食  
種種多美雜味具足。從於菩薩善根所生供  
養如來菩薩聲聞一切大衆悉皆充足。既充  
足已緊那羅王知各洗鉢澡手已畢與已眷  
屬於如來前次第而坐。欲得聞法。爾時世尊  
爲緊那羅王及諸大衆演說妙法。示教利喜  
。爾時世尊卽爲演說如是妙法。緊那羅王喜  
薩有三十二法。淨檀波羅蜜何等三十二。緊  
那羅王菩薩不忘善現之心而爲先導而行。

布施不讚下乘而行布施者所爲者無傷毀  
心而行布施有求求者無侵害心而行布施  
又所請者起福田想而行布施者所請者起  
於師想起善知識想而行布施捨內慳結而  
行布施無所貪惜歡喜踊躍而行布施伴手  
正直善好捨無所期爲而行布施生增上  
心不生下心而行布施不生惡處而行布施  
不望果報無所怖望而行布施欲於佛法而  
行布施心無惱熱而行布施以攝爲首而行  
布施我當教導化諸衆生而行布施我當護  
法而行布施我當順用如來言教而行布施  
我應當作降魔伴黨而行布施我宜應當正

覺喜提而行布施我應當作善丈夫業而行  
布施我應當離餓鬼惡道而行布施我應當  
集修捨心因而行布施我當獲得大財封邑  
攝取他人而行布施我應當行和敬之法而  
行布施我當不離得善知識而行布施我應  
當於一切衆生無損害眼而行布施我應當  
以布施善根向無上道而行布施我應當學  
餘菩薩捨而行布施我宣應當莊嚴相好而  
行布施我宣應當淨佛國土而行布施緊那  
羅王是為菩薩三十二法淨檀波羅蜜  
緊那羅王菩薩復有三十二法淨尸羅波羅蜜善  
自淨身是名為戒淨貪瞋癡故善自淨口是

名爲戒不自欺。能佛及諸天。是無虛妄相。故  
善自淨心。是名爲戒。離無明貪瞋邪見。故淨  
十善業。是名爲戒。生人天。故不忘菩提心。是  
名爲戒。不貪餘乘。故志意清淨。是名爲戒。捨  
幻偽。故稱讚眞聖。是名爲戒。勤攝非聖。故以  
慈爲首。是名爲戒。於諸衆生心平等。故修大悲  
心。是名爲戒。趣向教化諸衆生。故善好等學。是  
名爲戒。畢竟無缺。故慚愧所攝。是名爲戒。怖畏  
惡道。故無有穿漏。是名爲戒。不中捨。故無有  
瑕疵。是名爲戒。究竟白法。故自己自在。是名  
爲戒。至餘佛土。故尊重豪貴。是名爲戒。智者  
所讚。故能超出過。是名爲戒。離惡道。故善安



止住是名爲戒一切安樂悉具足故諸佛所讚是名爲戒是佛戒故不自慢緩是名爲戒堅實救拔世間人故不自高毀他是名爲戒善棄捨故修行棄捨是名爲戒離諸煩惱故自己修行是名爲戒一切助道菩提法故作於歡喜是名爲戒離愛貪故善攝取他是名爲戒隨如說故調伏出家是名爲戒捨離一切家繫縛故堅欲修行是名爲戒欲樂法故決定少欲及與知足是名爲戒依聖種故樂修頭陀是名爲戒欲捨一切諸惡法故無著相應是名爲戒觀無衆生故隨順不違是名爲戒順緣法故離一切見是名爲戒離斷常

故緊那羅王是爲菩薩三十二法淨尸波羅  
蜜緊那羅王菩薩復有三十二法淨忍波羅  
蜜何等三十二不貪著身是名知忍不住壽  
命是名知忍無侵害心是名知忍堪耐惡言  
是名知忍悲於下劣是名知忍不輕未學是  
名知忍有大勢力能苦切他而不爲之是名  
知忍節節枝解不起瞋恚是名知忍無有麁  
澁是名知忍不生瞋害是名知忍無不與語  
是名知忍有於志意是名知忍其心無濁是  
名知忍無嬈亂心是名知忍護他人心是名  
知忍以財利益是名知忍覺知大悲是名知  
忍滅除憍慢是名知忍謙下一切衆生等是

名知忍不增熾然是名知忍樂於寂靜是名  
知忍閑晏無爲是名知忍自知已過是名知  
忍他人有缺不見其過是名知忍如法財封  
是名知忍有於信財是名知忍心無惱熱是  
名知忍意念安樂是名知忍先意問訊無有  
瞋面是名知忍順甚深法是名知忍順三解

門是名知忍解無生無起是名知忍於無生  
法忍緊那羅王是爲菩薩三十二法淨忍波  
羅蜜緊那羅王復有二十二法淨進波羅蜜何  
等三十二緊那羅王菩薩不斷佛種行進波  
羅蜜不斷僧種行進波羅蜜受無量生死行  
進波羅蜜集無量善根行進波羅蜜供養給

事無量諸佛行進波羅蜜為欲攝持無量聞  
故行進波羅蜜為欲教導無量諸衆生故行進  
波羅蜜欲以如說妙說悅可一切諸衆生故  
行進波羅蜜為令一切衆生逆流故行進波  
羅蜜為諸衆生當設何宜行進波羅蜜捨一  
切所有行進波羅蜜護一切戒無有毀缺行  
進波羅蜜一切柔和忍辱無恚行進波羅蜜  
出過一切所作事故行進波羅蜜欲起一切  
禪定解脫諸三昧故行進波羅蜜滿無礙智  
故行進波羅蜜欲以一切諸佛國土所有莊  
嚴嚴己佛土故行進波羅蜜大力堅固越到  
彼岸故行進波羅蜜降伏一切諸魔場故行

進波羅蜜降伏一切外道論故行進波羅蜜  
具佛十力無畏法故行進波羅蜜莊嚴身口  
意故行進波羅蜜能辦衆事無休息故行進  
波羅蜜心無怯弱故行進波羅蜜其心勇健  
故行進波羅蜜不共一切煩惱結任故行進  
波羅蜜摧伏一切諸煩惱故行進波羅蜜滅  
一切結故行進波羅蜜度諸流故行進波羅  
蜜脫未脫者安未安者度未度者故行進波  
羅蜜集百福德莊嚴相故行進波羅蜜守護  
一切佛正法故行進波羅蜜神通徧至一切  
佛刹供養禮拜右遶恭敬於諸佛故行進波  
羅蜜此諸精進從寂靜生身心寂靜任無出

無入無上無下為於無生無起所攝緊那羅  
王是為菩薩有三十二法淨進波羅蜜緊那  
羅王菩薩復有三十二法淨禪波羅蜜何等三  
十二法所謂念淨慧淨進淨慚愧淨堅實淨  
心體性淨不忘菩提心淨功德根淨無所依  
淨我我所淨起神通淨身寂靜淨修治心淨  
內寂靜淨外威儀淨斷諸見著淨觀無我無  
衆生無人無壽無丈夫淨不住三界淨助菩  
提法現前淨悲觀衆生淨除智障淨智慧超  
出淨不違因果淨決定法忍淨修行無常苦  
空法淨轉方便淨方便攝淨近道場淨不怖  
望聲聞緣覺乘淨滿足無漏淨心不散亂得

佛定淨觀衆生心如應說淨緊那羅王是爲  
菩薩三十二法淨禪波羅蜜緊那羅王菩薩復  
有三十二法淨般若波羅蜜何等三十二法  
求集多聞無有馱足善巧思惟分別諸法以  
已智慧覺了諸法善分別陰善分別界趣法  
界故善於諸入知分別故善於緣法知因任  
故善於諸諦知解滅故知於正位不入正位  
故觀察無起起自心故知諸法無生本際淨  
故知諸一切衆生無我離倒見故知一切法  
同是一法本際離欲故知諸世界是一切界  
同虛空故知一切佛同是一佛入不思議法  
界故善知分別一切章句善文字故知無礙

辯廣演說法悅可一切諸衆生故知陀羅尼  
無忘失故知諸魔業教化諸魔向菩提故觀  
知諸法如幻住於分別有差別故解知諸法  
如電水月夢影響法諸法究竟無成就故覺  
知一切衆生心性本自淨故善分別觀生死  
涅槃善學方便故善知解空無相無願示解  
脫門故知一切法本性寂靜本無縛礙故知  
一切法離障得開害無明闇故善知於智施  
慧光明為欲解脫一切衆生演說法故知一  
切法無去來故知所作業不相違故知示衆  
生示生死故得成四辯解義法辭樂說辯故  
所說無錯法無不空自己寂靜調順解真



知於涅槃智慧趣向諸佛智慧守護法城持一切法得受記地所作究竟住不退轉菩薩之地緊那羅王是為菩薩三十二法淨般若波羅蜜緊那羅王菩薩復有三十一法淨方便波羅蜜何等三十二觀察衆生自無衆惡有無量福而不休息若有少福亦不休止為化衆生而行慧施不求福田於諸衆生起福田想不望果報教化下劣現為下劣教諸衆生護持口業現女人像化諸年少現作童子化諸童女現一切色不違衆生自無憍恣現作憍恣為化憍恣諸衆生故示現狂亂隨衆所解而為說法百歲持戒為化一人放捨此戒

所有一切娛樂之具而共同之攝令入法自  
任頭陀為不活畏諸衆生故現不活畏示現  
一切外道法中修出家行不呵佛法現為姪  
女若要在王宮現妙女身為化堅著姪欲衆生  
於大衆中多人集處現衆伎術或現簫笛琴  
瑟鼓貝常為第一於是衆中歌舞戲笑皆出  
法音現衆伎術隨諸衆生所喜樂者為教化  
故而示現之現神通力施衆生財然後說法  
失財衆生為現寶藏然後說法有諸衆生憂  
箭所逼隨其所宜而為示現然後說法若長  
者居士及諸小王內宮婦女憂無子息為欲  
化導令其歡喜現為其子於無伴中作大伴

王將諸人衆至空曠野糧食乏盡求索無所  
以神通力化作飲食令充足已如應說法令  
不退轉於無上道若有衆生從生而盲群相  
隨逐若一若二若三若四乃至一十百若  
千二千乃至十千於彼衆前現爲盲人現極  
貧窮從外乞求給施諸盲令其得眼覩見諸  
色隨應說法令不退轉於無上道若復有諸  
多千衆生造衆過罪爲王所繫菩薩爲脫是  
諸衆生牢獄繫閉現爲罪人同入是以神  
通力悉解杻械施與衣裳充足飲食若爲說  
法令不退轉於無上道若有衆生犯罪應死  
爲教化故化作化人代彼罪人令其全命得

無憂慮慰喻令喜而為說法畢定住於無上  
正道若有衆生諍諸財利奴婢畜生舍宅田  
地共相搗打鬪諍訟訴以方便力現大財寶  
酬報是人令兩和合然後說法令住菩提行  
方便菩薩現作聾盲瘖瘂形殘醜陋之身捨  
己妙形同作彼像化衆生故或復現作外道  
師導在遠而住讚歎三寶冀望佛種故方便  
菩薩捨諸禪定生於欲界化衆生故或復現  
為諸無學人怖望涅槃示現涅槃倍勤精進  
修諸法行方便菩薩示現修行獲得正位現  
入涅槃而甫修行於勝妙行方便菩薩為未  
得正位欲涅槃者於是人前現如來像為令

其人住菩提故緊那羅王是為菩薩三十二  
法具方便波羅蜜說是諸波羅蜜時大樹緊  
那羅王諸眷屬中九十萬六千衆生發於無  
上正真道心如來衆中八千菩薩得無生法  
忍大樹緊那羅王得智燈三昧是時大樹緊  
那羅王從佛聞法示教利喜已歡喜踊躍得

未曾有以無價衣供上世尊菩薩聲聞各各  
施衣以所住園林及中所有一切奉施供佛  
如來爾時大樹緊那羅王有八千子以衆寶  
華莊嚴八千微妙蓋已奉供如來當奉蓋時  
佛神力故令諸寶蓋在虛空中合為一蓋覆  
百由旬時緊那羅王八千諸子見佛神力歡

喜踊躍得未曾有專心志意發阿耨多羅三藐三菩提心皆不退轉各發心已白言世尊願與我等助菩提法我等聞已當修行之

大樹緊那羅王所問經卷第二

被

希望下音亡穿窬上音川慢緩下音玄擒狩禽獸訟一字訟

訴音素醫音一障一計愛慢上音只是奮迅上音方問私

閨映於敬攔楯下音尹香坵下音何江反繒反

綵陵疾反鬚鬚莫班反花反醫鑿醫字痲家下音俗


七仞下音高七尺一斟酌上音針澡滌下音非洗音痲

痲疾上音斯痲加反正作瑕下音鹿澀下音澀媯乱上音

閑宴見下反於問訊下音信怯弱下音若擗打上音竹

擊瓜  
也反  
田壽  
宜直  
用流  
酬反  
字經  
姓由  
意  
字多

其



其

